

I  
APOLOGIE SVR LA  
VENALITE' DES  
Estats.

*Venalis populus, venalis curia patrum,  
-----est fauor in pretio.  
Quid faciant leges vbi sola pecunia regnat,  
Et vbi iudicium nihil est nisi publica merces.*

**M**essieurs, ie vous disois derniere-  
ment que i'auois affection de  
discourir s'il seroit plus expedient que  
les Estats de France fussent annuels, &  
non perpetuels & hereditaires, comme  
ils sont à present, & du dommage qu'ap-  
porte la vente des Estats. Auioird'huy  
ie contenteray mon desir sans vous en-  
nuyer, par ce que ie ne seray pas long, &  
laisseray pour le present à parler des E-  
stats pretendus ou annuels, ou heredi-  
taires: remettant à vn autreiour, d'en  
discourir plus amplement.

Ie remonstreray seulement le desor-  
dre & confussion, qu'apporte la Venali-  
té des Estats, & ce depuis qu'ils ont esté  
faits perpetuels: & ie nem'esloigneray

2  
point en ce discours de nostre droict, car  
i'apporteray l'interpretation de la do-  
cte & elegante nouuelle 8. de Iustinien,  
*vt indices sine quoquo suffragio fiant.* Qui  
m'a suggeré ce subject.

Pour y paruenir, il est certain que les  
estats n'ont point esté venaux en Fran-  
ce que depuis le Roy Loys XII. Ce qu'il  
fut contraint de faire pour les grandes  
affaires qu'il auoit, tant pour acquiter  
les debtes du feu Roy Charles 8. quia-  
uoit laissé beaucoup de creanciers, que  
pour recouurer la Duché de Milan contre  
Loys Sforce: par ce qu'en cet affaire  
il auoit grand besoin de deniers com-  
prans.

Quelques vns ont voulu dire que nos  
Roys auant S. Loys vendoient les offi-  
ces: au contraire il y sceut bien remedier,  
& pleust à Dieu qu'il fust ainsi mainte-  
nant (ce que nous esperons en bref de  
nostre bon Roy) car il les donoit à gens  
qui les meritoient: & conseroit les bene-  
fices à personnes capables, comme a re-  
marqué Iean de Ioinuille qui a escrit sa  
vie.

Mais à present, ie ne scay si c'est la guer-

Case

F

39

326

n.d.-7

re qui en est cause, ou l'ambition des hommes : tant y a qu'on est venu là que les offices se vendent au plus offrant, & dernier enchérisseur, sans auiser si ceux qui les achètent en sont dignes, capables, ou non : tellement qu'il y a plus d'officiers és bonnes villes de ce Royaume, que de marchands & autres artisans.

On procedoit anciennement par election, aujour d'huy par vente, ce qui est plus à reprendre aux Estats de Iudicature, & auoit on esgard à la preud'homie, doctrine, & experience de ceux qui estoient esleus, tesmoing l'eslection de Monsieur le Chancelier d'Orgemont faite par Charles le Quint, de laquelle parle Iean de Luc en les Arrests, & du serment qu'il fit entr'autres : *Vous Orgemont, vous iurez que iamais vous ne prendrez ny accepterez robe, manteau, solde, gage, present, ny profit aucun d'autre que du Roy.* Casiodore au liure 12. parle de la forme d'election & institution d'un Chancelier. Cela d'oc se faisoit du temps de S. Loys, comme escrit le mesme de Ioinuille, & Guillaume de Naugis du temps de Philippes le Bel, Charles V. & Charles VII.



Or on auoit de coustume quand il va-  
quoit vn office de Iudicature fust es  
Cours Souueraines, Sieges Royaux, &  
Iustices inferieures, faire electiō de trois  
personnages idoinés & capables pour  
l'exercice de l'office vaquant, & à l'un  
des trois estoit donné l'office sans qu'il  
en desboursast aucun denier. Charles 7.  
appelle ceste forme d'election, *viam  
scrutinij*. Et y en a vn exemple au chap.  
*Quia propter de electione*. Nos anciennes  
ordonnances en sont pleines, celles de  
Loys XII. celles de Charle IX. mais ce  
n'est qu'une couleur que tout cela, car  
elles ne sont point obseruées.

*Alexander Seuerus nullum admittere in  
Senatum solebat nisi de consilio Senatus, &  
benè se habebat Resp.* Comme dit Lampri-  
dius en sa vie, & en ce faisant seroit la  
conscience des Roys deschargée & ac-  
quittee enuers Dieu & le monde: & se-  
roit par ce moyen pourueu aux offices  
de gens conuenables, ausquels seroit o-  
sté le moyen de mal-faire, & les Iuges  
seroient obligez à se comporter mode-  
stement, en rendant gratuitement la  
Iustice à vn chacun: là où depuis qu'on

a commencé à les vendre, on a ouuert la porte à route iniustice, & iniquité, qui procede de la vente des Estats, comme dit Iustinian en nostre Nouvelle 8 en laquelle il veut que les officiers, *Nihil dent pro suffragio sed gratis sumant administrationes, quoniam*, ce dit il, *qui aurum dat & ita administrationem emit, eius quod ab eo datum est, triplum, magis autem deculum à subiectis exigitur*: Et ainsi ces acheteurs d'offices, *Multos reorum dimittunt vendentes eis delictum, plurimos autem innoxiorum condemnant, ut noxijs præsent*. Hinc, ce dit le mesme Iustinian, & ie rapporte ces mots pour autant qu'ils meritent estre grauez es cœurs des Roys pour fuyr & abhorrer (comme vn mal très pernicleux) la Venalité des Estats, & offices de leurs Royaumes. *Hinc fugæ fiunt ex prouincijs, & confluunt huc omnes ingemiscences sacerdotes, populi, & Agricola iudicium furta merito & iniustitias accusantes. Quis enim sine periculo non furetur, quis non latrocinabitur sine reatu ad administratorem respiciens? Illum namq; videns omnia auro videntem, & præsumens quia quidquid egerit illicitum, hoc pecunias dando redimet. Hinc homicidium, &*

*adulterium, & inuasiones, & vulnera, & raptus Virginum, & commerciorum confusio, & contemptus legum, & ludicum, omnibus hæc Venalia esse putantibus proposita tanquam aliquod vilium mancipiorum. O Venales ergo Vrbes si emptores iuenerint.*

Seneque disoit au liure premier des Benef. chap. 9. qu'il ne falloit point s'eshahir si la iustice estoit deprauee, euersos esse mores, regnare nequitiam, in deterius res humanas & in omne nefas labi, quandoquidem nummarium sit tribunal, & audita vtrimque licitatione alteri addicitur. Etenim quæ emeris vendere Gentium ius est. Car celuy qui a achepté à coustume de vendre.

*Emerat ille prius, vendere iure potest.*

Et Ciceron disoit en l'action troisieme in Verrem, que c'estoit la coustume que ceux qui paruiennent aux Estats par largesse, se remboursent apres des despenses faites par eux. Alexandre Seuerus disoit qu'il estoit necessaire que celuy qui achepte en gros, vende apres en detail. Iene permettray iamais, disoit-il, qu'en mon Empire il y aue des marchands d'offices: car si ie le souffre, ie ne puis par apres sans rougir condam-



ner vn iuge pour auoir vendu la iustice, puis qu'il l'auroit de moy premieremēt achepté. Dauantage il disoit, que s'il sçauoit & cognoissoit quelque Iuge corrompu & larron, il seroit le premier qui luy ietteroit la premiere pierre, & luy creueroit les yeux.

Iustinien passe plus outre, pour monstrier les grands inconueniens qui arriuent de la vente des Estats. *Hinc, ce dit il, ciuitatum seditiones, & publica turbæ plerumque fiunt.* Mesmes il y va quelquefois de l'Estat de ceux qui les vendent, comme il aduint à Guillaume de Normandie Comte de Flandres, qui vendoit les offices indifferemment sans auoir respect à la vertu, & à la noblesse de ceux à qui il les vëdoit, qui estoit cōtre les priuileges du pays, dont il fut deietté de son Estat.

L'Empereur Macrinus, comme recite Zonaras en ses Annales tome 2. fut mal voulu du peuple Romain par ce qu'il vendoit, & donnoit les offices & charges publiques à gens indignes & incapables: car quelquefois les officiers en deuient insolens, insupportables, iniustes, & larrons, par ce qu'ils ne crai-

gnent point d'estre punis, poür auoir a-  
 chepté leurs Estats: ce qui fait tomber  
 en mespris les Princes & Seigneurs qui  
 vendent les Estats, ou en malueillance:  
*at contemptu & odio magna labuntur impe-*  
*ria.*

Zonaras & Cedrinus escriuent que  
 sous l'Empereur Michel, l'Empire fut  
 tant trauaillé des pilleries que faisoient  
 les officiers à cause qu'ils auoient ache-  
 pté leurs Estats, ayans esté exposez en  
 vente par son frere, dont impunément  
 ils desroboient, que cela fust cause de la  
 mort de l'Empereur, & de son malheu-  
 reux frere. A quoy sceut bien pouruoir  
 apres l'Imperatrice Zoë femme vertu-  
 euse, & digne de commander: car elle  
 voulut que les Estats fussent donnez à  
 gens dignes, sans auoir esgard à la no-  
 blesse, & richesse de personne.

L'Empereur Martianus deffendit fort  
 estroitement la vente des offices, &  
 qu'aucun n'y paruint par corruption &  
 largesse: c'est pourquoy il fist ceste belle  
 constitution, *que volebat non spargere pe-*  
*cunias Consules, & ipsa eius Constitutionum*  
*prima fuit, ce dit Iustinian en la Nouvelle*



106. de *Consulibus*. Tous les Empereurs l'ont  
defendu au titre de *Consulibus*, & non *spargen-*  
*dis ab his pecunijs*, au 12. du Code.

Pescenninus Niger, comme recite Spar-  
tianus, donna gages aux Assesseurs, & Con-  
seillers, disant que le Iuge ne doit rien don-  
ner pour son office, & semblablement ne  
rien prendre, *nec dare debere, nec accipere*.

L'Empereur Aelius Spartianus, quand il  
enuoyoit des Proconsuls, & Presidents aux  
Prouinces pour administrer la Iustice, ar-  
gento eos instruebat, ita vt acciperent argenti pon-  
dera vicena, sellas senas, mulas binas, vestes fo-  
renses binas, domesticas binas, balneares singulas,  
aureos centenos, & si uxores non haberent, sin-  
gulas concubinas quod sine his esse non possent,  
reddituri post administrationem, mulas equos, &  
muliones, & coquos, cæteraque sibi habituri si be-  
ne gesserant, in quadruplo reddituri si malè, præ-  
ter condemnationem, aut peculatus, aut repetun-  
darum, comme recite Blondus lib. 4.

Andronicus Commenus, comme rap-  
porte Nicetas lib. 2. de *Vita Andromici*, quand  
il enuoyoit quelque officier en loingtain  
pays, pour luy oster l'occasion de malfaire  
luy donnoit gages raisonnables, & moyen  
de viure. La loy appelle cela *annonas* & Ca-

*pita*. Ce qui fut ordonné par Alexandre Se-  
uere, ce dit Lampridius. Et cela est, ôfirmé  
par la loy 4 ff. de off. Adseff. Il y en a vn titre  
spécial au liure premier du Code. de *annonis*,  
& *Capitatione administrantium*. *Annonæ sunt*  
*veluti panis, vinum, deum, lignamen, larium, &*  
*cætera quibus vitam toleramus.*

*Capita sunt pabula equorum, mulorum, came-*  
*lorum, quibus vehimus nos, aut sarcinas impedi-*  
*mentaque nostra*, comme dit Ammianus  
Marcellinus.

Et ce qu'on donnoit aux Ministres & exe-  
cuteurs des mandemens & des iugemens,  
la loy l'appelle *sportulas*, au titre de *sportulis*,  
au Code, & l. in *sacris scrinijs* 12. §. 1. de *proxi-*  
*mis sacrorum scriniorum lib.* 12.

*Sportularum nominis origo prima ex prandio*  
*vel cæna est quæ in panariolos vel sportellas con-*  
*iecta dabatur clientibus vice cænae vectæ, modò*  
*enim dabatur cæna recta, modò in sportula & ad*  
*extremum centum quadrantes: quæ summa spor-*  
*tula dicta est. Et depuis, latius porrecta sportu-*  
*larum appellatio est ad salaria, congiaria, diaria, ho-*  
*noraria, qui est ce que nous appellons Espi-*  
*ces, que prennent les Iuges pour le iuge-*  
*ment des procez, comme ils faisoient an-*  
*ciennement & sous les derniers Empe-*

reurs. Cassiodore, & le docte Cuias au 4. de ses obseruations, l'appellent *pulueratica*, & leur estoit deffendu de prédre autre chose.

Aussi l'on auoit accoustumé de faire iurer les Iuges, qu'ils n'auoient rien donné, ny promis, ny esperoient donner or ou argent, pour paruenir à tel Estat & office. Theodose en a laissé vne belle Constitutiō en la loy fin. *Cod. ad l. Iul. Repetandarum se neque dedisse quidpiam, neque daturus vnquam postmodum fore siue per se, siue per interpositam personam in fraudem legis sacramentique.*

Le sage Empereur Leo fist vne pareille ordonnance. Les officiers font aujourd'huy vn pareil serment: mais ils commēcent par vn pariure insigné, à leur confusion & perdition de leur ame, quand ils iurent qu'ils n'ont rien donné, ny ont esperance de donner: mais quoy! ils disent qu'ils n'ont pas achepté l'office, *sed pro officio mutuum dederrunt de pecunia equipolente officio.*

L'autre inconuenient qu'apporte la vente des Estats, est que sans auoir esgard à la suffisance, ou experience, l'on y peut paruenir par argent: Et neantmoins celuy qui se veut presenter à quelque Estat doit estre préparé, & bien instruit de tout ce qui ap-



partiēt à l'exercice del'Estat auquel il aspi-  
re, al'exemple de Caton, lequel ayant deli-  
beré de demander l'office de Questeur, ne  
voulut iamais commencer de ce faire, qu'il  
n'eust leu diligemmēt tous les Edicts & or-  
donnances concernant le fait, & office de  
Questeur: & mesmes qu'il n'eust particu-  
lierement enquis ceux qui en auoient lon-  
gue experience. Et à ceux qui se présentent  
autrement, doit estre dit, ce que disoit Eu-  
rybiades à Themistocles, qu'és jeux de luit-  
te & de course, ceux qui se leuent & courēt  
deuant le temps, doiuent estre chastiez.

Sidonius Apollinaris dit au liure premier  
epistre ij. que de son temps les Aduocats a-  
pres auoir long temps plaidé, & fréquenté  
le Barreau, apres y auoir acquis vne grande  
experience, & auoir souffert beaucoup de  
travail & d'incommodité, iusques à y con-  
sommer la moytié de leurs ans, & estre par-  
uenu à vn aage serieux, & auoir atteint le  
commencement d'une sage vieillesse, ils  
montoiet apres aux estats & dignitez. C'est  
pourquoy il appelle, *Aduocatorum corpus, se-  
minarium dignitatum*. Aussi ils estoient en ce  
Barreau, comme en vne eschole pour ap-  
prendre la Iurisprudence, la pratique d'icel.

le, & *trituram fori*, *verba fori*. Et les liures des Empereurs font souuent mention, *harum scholarum*, & *scholasticorum*. Aussi les Aduocats dans Seneque, Tacite, Quintilien, sont souuent appelez *scholastici* seu *Declamatores*, & n'ont point de honte d'estre appelez Escholiens: ie dis mesme les vieux & anciens Aduocats.

Pline le Jeune lib. 2. epist. 3. parle d'un bon Aduocat ancien. *Annum*, ce dit il, *sexagesimum excessit*, & *adhuc scholasticus tantum est*: quo genere hominum nihil aut simplicius, aut sincerius, aut melius: nos tamen qui in foro verisque litibus terimur, quotidie aliquid malitiæ etiam nolentes addiscimus. Et ainsi il faut entendre & interpreter *scholastici nomen*, in l. 2. præter solemnes. Cod. de lucris. *Aduocatorum* lib. 12. laquelle loy est entiere, in Cod. Theod. sub tit. de Concess. *Aduocatorum*: où il est ainsi escrit. *Non latet mansuetudinem nostram sæpius scholasticos ultra modum: modus enim honorarij definitus est*, & *præscriptus*, l. 1. ff. de extraordinarijs cognitionibus: *ultra modum acceptis honorarijs in defensione causarum omnium & annonas, & sumptus accipere consueuisse. Annonas enim & sumptus eis de publico præberi solitos fuisse constat.* Ex l. quicquid Cod. de *Aduocatis* diuers. Iudicio. ani-

*mi largitate, & munificentia principali.*

Sainct Augustin confirme d'auantage mon dire, sur l'Euangile S. Iean. *Qui habent causam, inquit, & nolint supplicare, querant aliquem scholasticum iuris peritum à quo sibi preces componantur.* Dauantage Zonaras & Balsamo sur l'interpretation du 10. chap. *Concilij Sardicensis*, monstrent apertement, *scholasticum etiam à Grecis appellari eum qui causas agit in foro.*

Et nous autres qui sans cesse retournons à ce docte Barreau, & *ad lacteum illum circum,* ne rougions point de porter le mesme nom.

Mais pour reuenir à mon propos, l'on choisissoit du corps des Aduocats, les Iuges des Prouinces, les Presidens, Preteurs, & Magistrats: Ce qui ne se fait pas à present: car bien souuent de ieune Escholier, on deuiant Conseiller. *Virtus post nūmos. Auro venit honos. Si septingenta milia defunt, plebs eris.* Maistre Charles du Moulin s'en plaignoit, parlant de la Cour de Parlement de Paris, disant, que ce n'estoit plus *Senatus, sed Iuuenatus*: & le bon Conseiller allant au Palais sus sa mule, respondit à vn qui luy demandoit où il alloit, *quod in Iuuenatum ibat.*



Outre tout cela la vente des Estats apporte vn autre grand abus: c'est qu'ils croissent en si grande multitude qu'elle n'apporte qu'une confusion & interest pour le public. Aussi quand cela aduient en vn Estat, & en vne Republique, c'est vn signe euidēt, cōme disoit Platon *lib. 3. de Repub.* d'un Estat corrompu, comme quand on y voit beaucoup de Medecins: d'autant que la multitude des Iuges est nourrie par la desloyauté, & contention des hommes: & la pluralité des Medecins est entretenue par l'oisiueté, friandise, & gourmandise. *Multa fercula multos morbos fecerunt*, disoit Seneque.

La Republique de Marseille, comme dit Strabon *lib. 4.* fut long temps louée, & en admiration pour l'equité de la Iustice: mais depuis que le nombre des officiers creut iusqu'à six cens, ne fist que descheoir, & perdit sa premiere splendeur.

Suetone dit en la vie d'Auguste, au chap. 35. que l'Empereur Auguste y sceut bien remedier. *Senatorum enim affluentem numerum deformi, & incondita turba* (erant enim super mille) *& quidam indignissimi, & post necem Caesaris, per gratiam, & premium lecti, quos abortiuos vulgus vocabat, ad modum pristinum, & splen-*

*dorem rededit.*

Et encore le plus grand desordre auourd'huy est aux Estats des Finances, dont se plainquirent les trois Estats sous Charles VI. & remonstrent les abus qu'ils commettoient, & qu'il n'y auoit que deux hommes anciennement qui gouernoient les Finances du Royaume. Mais si ceux qui faisoient ces remonstrances viuoient en ce temps, ils auroient bien plus d'occasion de se plaindre: Car il n'y a Generalité en France (qui sont en nombre de dixsept) sans celles que Conseil veut auourd'huy mettre sus pied, au grand preiudice de l'Estat public & particulier, qu'il n'y aye six ou sept Thresoriers generaux, sans compter pareillement ceux qui ont esté creez de nouveau, & depuis remboursez par les Generalitez, & infinité de Receueurs & Contreroolleurs de Finances, qui est occasion que le Roy est trompé, & desrobbe par tant de mains: possible aurons nous vne belle reformation en iour, promise il y a si long temps, & desirée d'un chacun: laquelle en attendant ie me tairay, & n'en parleray plus.

F I N.